



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Burim Zeka	17.01.2024	28.01.2024	2024/0030

BAZA LIGJORE E SHQYRTIMIT

Me datën: 09.01.2024, OE **“Avni Murtezi B.I.”**- Prishtinë, ka parashtruar ankesë me nr: 2024/0030, kundër njoftimit për dhënie të kontratës ku është rekomanduar për kontratë **OE “N.T.P HARRIS, RAHOVEC.”**- Prishtinë, lidhur me aktivitetin e prokurimit: **“FURNIZIM ME PELET PËR NEVOJAT E KOMUNËS SË RAHOVECIT PËR VITIN 2023 2024”** me nr. të prokurimit: "623-23-13234-1-2-1", iniciuar nga Autoriteti Kontraktues (AK) – KUVENDI KOMUNAL - RAHOVECË.

Autoriteti kontraktues ka zbatuar procedurë të hapur, lloji i kontratës: kontratë kornizë me një operator, furnizim, vlera e parashikuar e kontratës: **124,640.00 €**.

Fazat e procedurës së prokurimit:

Njoftimi për kontratë.....27.11.2023;

Procesverbali i hapjes së ofertave.....08.12.2023;

Njoftimi mbi vendimin e AK-së.....28.12.2023;

Kërkesa për rishqyrtim02.01.2024;

Vendimi i AK-së në kërkesë për rishqyrtim.....03.01.2024;

Ankesa ne OSHP.....05.01.2024;

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

AK gjatë zhvillimit të kësaj procedurë ka shkelur këto dispozita:

Neni 1 Qëllimi;

- **Neni 6 Ekonomiciteti dhe Efikasiteti;**

- **Neni 7 Barazia në Trajtim/ Jo- Diskriminimi;**

- **Neni 56 Dispozitat e Përgjithshme mbi Përzgjedhjen e Pjesëmarrësve dhe**

Dhënien e Kontratave;

- **Neni 59 Ekzaminimi, Vlerësimi dhe Krahاسimi i Tenderëve; dhe**

- **Neni 60 Kriteret për Dhënien e Kontratës.**

Kronologjia e aktivitetit të prokurimit “Furnizim me pelet per nevojat e Komunes se Rahovecit per vitin 2023/2024”

ZPP dhe komisioni i vlerësimit në Komunën e Rahovecit gjatë procesit të vlerësimit të ofertave nuk kanë vepruar sipas dispozitave të LPP dhe kriterëve të përcaktuara në dosjen e tenderit. Për më tepër qasja e tyre ka rezultuar me diskriminim të OE N.T.SH. “Berveniku” i cili i ka plotësuar të gjitha kërkesat e përcaktuara në dosjen e tenderit.

Në këtë aktivitet të prokurimit kanë ofertuar gjithsejtë 7 operatorë ekonomik.

Nga procesi i vlerësimit ishte rekomanduar për kontratë N.P.T “HARIS” me çmim prej 121,360.00 € me cmim me të lartë nga të gjithë OE që kanë ofertuar në këtë aktivitet të prokurimit dhe me një diferencë me të lartë në cmimi prej 13,612 euro nga N.T.SH. “BERVENIKU” si OE i përgjegjshëm.

Arsyeja e eliminimit për OE N.T.SH. “BERVENIKU” është shumë joprofesionale dhe e kundërligjme. N.T.SH. “BERVENIKU” është eliminuar për arsye se pesha bartëse e kamionve me të cilët ka ofertuar është më e lartë se sa pesha bartëse e kamioneve që është kërkuar në dosjen e tenderit për aktivitetin e prokurimit “Furnizim me pelet per nevojat e Komunes se Rahovecit per vitin 2023/2024”. Arsyeja e eliminimit është joprofesionale për faktin se nëse kamionet me të cilët ka ofertuar N.T.SH. “BERVENIKU” kanë kapacitet më të madhë të bartjes se peletit, kjo nuk e dëmton asgjë AK, përkundrazi furnizimi mund të kryhet me shpejtë. Bazuar në këtë shihet qartë se për ZPP nuk ka qenë qëllim që të kontrata të nënshkruhet me OE të përgjegjshëm, por të përzgjidhet në cfardo forme OE i favorizuar N.P.T “HARIS” me cmimin më të lartë nga të gjithë ofertuesit dhe si OE që është i themeluar në Komunen e Rahovecit.

Në tekstin në vijim është arsyetimi i ZPP:

Në letrën standarde për tenderuesin e eliminuar, për OE N.T.SH. “BERVENIKU” thuhet citim “Tenderi juaj është refuzuar për këto arsye: Ju njoftoj se ju si O.E. nuk i keni plotësuar kërkesat minimale sipas Dosjes së tenderit tek Seksioni II. Fleta e të Dhënave të Tenderit (FDT): Kapaciteti teknik dhe profesional: Kërkesa 3: Operatori Ekonomik duhet të posedojë mjetet, stabilimentet dhe pajisjet teknike që janë të domosdoshme për realizimin e kontratës, pajisjet dhe mekanizimi i obligueshëm sipas tabelës në Aneksin 8 të Dosjes së Tenderit; Dëshmia 3: Pajisjet të cilat regjistrohen duhet të dëshmohen me librezën e regjistrimit (pajisjet duhet të jene me afat të regjistrimit), ndërsa pajisje tjera Operatori Ekonomik duhet ti dëshmoj me një dokument për pronësinë e pajisjeve (faturë, DUD etj.). Vëmendje! Në rast se OE nuk posedon pajisjet mbi pronësinë duhet të ofroj marrëveshjen për marrjen me qira të pajisjeve. Marrëveshja duhet të jete në emër të këtij projekti me validitet të kohëzgjatjes të kësaj kontrate e nënshkruar dhe vulosur nga të dyja palët. Marrëveshja duhet të jete e noterizuar në mes të qiradhënësit dhe qiramarrësit; Sqarimet janë si në vijim: Në Njoftim për Kontratë dhe Dosjes së tenderit të Seksioni II. Fleta e të Dhënave të Tenderit (FDT), tek Kapaciteti teknik dhe profesional, është kërkuar që Operatori ekonomik duhet të ofrojë dëshmi për këto pajisje:

Kamion kiper, me peshë bartëse deri 5m3-në ofertën e juaj të prezantuar për këtë pajisje keni paraqitur: Kamion për bartjen e Kontinerëve me 2 dyer, tabela Nr. 01-219-ZE, me peshë bartëse mbi 14m3 (14191);

Kamion, me peshë bartëse deri 3m3 në ofertën e juaj të prezantuar për këtë pajisje keni paraqitur: Kamion me 2 dyer, tabela Nr. 01-941-LC, me peshë bartëse mbi 8m3 (8940); Kamion me vinç, me peshë bartëse deri 8m3 në ofertën e juaj të prezantuar për këtë pajisje keni paraqitur: Kamion me vinç me 2 dyer, tabela Nr. 01-861-UB, me peshë bartëse mbi 10m3 (10600);

Nuk e keni plotësuar këtë kriter sipas Njoftimit për Kontratë dhe Dosjes së tenderit të Seksioni II. Fleta e të Dhënave të Tenderit (FDT), andaj oferta juaj konsiderohet e papërgjegjshme konform nenit 59.4 të LPP-së”.

Arsyetimet e dhëna nga ZPP dhe komisioni i vlerësimit në letrën standarde për tenderuesin e eliminuar për OE N.T.SH. “BERVENIKU” tregon se OE N.T.SH. “BERVENIKU” është eliminuar nga konkurrenca për arsye se kapaciteti i kamionve me të cilët OE N.T.SH. “BERVENIKU” ka ofertuar është më i lartë se sa kapaciteti i kërkuar në dosjen e tenderit për të tre llojet e kërkuara të kamioneve dhe së njëri nga kamionet më të cilin ka ofertuar

OE N.T.SH. “BERVENIKU” nuk është kiper.

Ky arsyetim është në kundërshtim me LPP dhe kërkesat në dosjen e tenderit, është kriter diskriminues, kufizon konkurrencën dhe dëmton buxhetin e AK duke ia dhënë kontratën OE me cmim më të lartë nga të gjithë pjesëmarrësit dhe me cmimi me të lartë se N.T.SH. “BERVENIKU” për 13,612 euro.

Fillimisht pesha bartëse për kamion e përcaktuara në dosjen e tenderit është imagjinare dhe në kundërshtim me kategorizimin e automjeteve në bazë të peshës bartëse sipas kornizës ligjore në fuqi. Bazuar në Ligjin Nr. 02/L-70 për sigurinë në komunikacionin rrugor, automjetet transportuese kategorizohen në dy kategori:

- automjetet transportuese me masë deri 3.5 ton; dhe
- automjetet transportuese me masë mbi 3.5 ton.

Pra pesha bartëse e përcaktuar në dosjen e tenderit për kamion nuk ekziston dhe nuk ka kamion që peshohet me meter kub, por njësia matëse për mjetet e transportit të mallrave është ton apo kg.

Këtë kriter nuk e ka plotësuar as OE N.P.T “HARIS” të cilit i është dhënë kontrata sepse kamion që peshohen me meter kub nuk ekzistojnë.

Megjithatë, kriteret e peshës bartëse për kamion të përcaktuara në dosjen e tenderit janë kërkesa minimale të përcaktuara nga AK KK Rahovec dhe N.T.SH. “BERVENIKU” i ka plotësuar kriteret e peshës dhe i ka tejkaluar ato. Sipas LPP dhe legjislacionit sekondar OE nuk mund të elimionohet nga konkurrenca nëse kapaciteti i ofruar është më i lartë së kërkesat minimale të përcaktuara në dosjeen e tenderit. Një shembull i thjesht dhe i krahasueshem me rastin e peshes bartëse të kamioneve është qarkullimi financiar i kërkuar në dosje, a është e arsyeshme të eliminohet OE që ka qarkullim më shumë se sa shuma e kërkuar në dosjen e tenderit. Rëndësia e këtijë kriteri është të vlerësohen kapacitetet teknike për realizimin e furnizimit dhe kapaciteti më i madhë i peshës bartëse që është ofruar nga N.T.SH. “BERVENIKU” tregon mundësin e tij për realizim më të shpejtë dhe efikas të furnizimit me pelet.

Pra, OE N.T.SH. “BERVENIKU” i ka ofruar kamionet që i plotësojnë kërkesat e AK dhe po ashtu njëri nga kamionet është kiper, prandaj bashkë me këtë kërkesë për rishqyrtim do të ofrojmë edhe fotot të kamioneve.

Sipas LPP dhe legjislacionit sekondar AK gjatë përcaktimit të kriterëve të përzgjedhjes duhet të përcaktojnë kriteret që janë drejtpërdrejtë relevante dhe proporcionale për objektin e kontratës në fjalë. Për më tepër kriteret që kanë të bëjnë me kualifikimet dhe kapacitetet e tenderuesit janë kriteret minimale për kualifikim dhe nëse OE ofrojnë dëshmi se i plotësojnë dhe i tejkalojnë kriteret e vendosura, kjo i siguron përparësi qëllimit të kontratës. P.sh derisa është kërkuar që pesha bartëse e kamioneve të jëtë në nivelin minimal të përcaktuar në dosjen e tenderit, ofertimi i OE me kamion me peshë bartëse të kapacitetit më të madhë, siguron AK për kryerje të furnizimit në mënyrë me efikase dhe më ekonomike. Psh. N.T.SH “BERVENIKU” për peshën bartëse që është kërkuar 5m3 ka ofruar kamion më peshë bartëse 14m3 që do të thotë me kamionin me të cilin ka ofertuar njëherësh mund ta furnizoj KK Rahovecit më pothuajse 3 fishin e sasisë krahasuar më peshën bartëse 5m3 të kërkuar në dosjen e tenderit.

Praktikisht kjo do të rezultoj me shpenzime më të ulëta të operimit për OE në njëren anë dhe realizim më të shpejtë të furnizimit për AK në anën tjetër. Situatë e ngjashme dhe e favorshme është edhe për dy kamionet tjerë që janë kërkuar në dosjen e tenderit. Kamion, me peshë bartëse deri 3m3 është kërkuar në dosjen e tenderit, ndërsa N.T.SH “BERVENIKU” ka ofertuar me kamion me peshë bartëse mbi 8m3 (8940) si dhe kamion me vinç, me peshë bartëse deri 8m3 është kërkuar në dosjen e tenderit, ndërsa N.T.SH “BERVENIKU” ka ofertuar me kamion me peshë bartëse mbi 10m3 (10600).

Zyrtari Përgjegjës i Prokurimit dhe komisioni i vlerësimit duke shkelur mbi parimin e trajtimit të barabart dhe qëllimin e përdorimit ekonomik, efikas dhe efektiv të parasë publike, nuk i ka respektuar dispozitat përkatëse të LPP dhe legjislacionit sekondar, nuk janë brengosur për dëmin financiar që ja ka shkaktuar buxhetit të Komunës së Rahovecit dhe na ka eliminuar neve nga konkurrenca.

Bazuar në dispozitat e legjislacionit për prokurim kriteret minimale për kualifikim – kapacitetet teknike në këtë rast janë kritere më të cilat tenderuesit vlerësohen se është në gjendje për ta përmbushur kontratën në fjalë dhe është shumë pak relevante apo aspak nëse kamionet kanë më shumë kapacitet të bartjes.

Kjo pason drejtpërdrejt nga neni 56 i LPP-së.

Ofertimi me kamion më peshë bartëse më të madhe se sa pesha e kërkuar në dosjen e tenderit nuk përben devijim as material e as të ndonjë lloji tjetër, përkundrazi është përparsi dhe është në pajtueshmeri të plotë me kërkesat minimale për kualifikim të përcaktuara në dosjen e tenderit për aktivitetin e prokurimit “Furnizim me pelet per nevojat e Komunes se Rahovecit per vitin 2023/2024”.

Nëse gjatë përcaktimit të kriterëve të përzgjedhjes në dosjen e tenderit, Zyrtari Përgjegjës i Prokurimit qëllimish në ndërdijën e tij e ka bërë formulimin e kriterëve për kapacitetet teknike në mënyrë të tillë për të favorizuar OE që tashmë i është dhënë kontrata, atëherë ne konsiderojmë se kjo është shkelje e rëndë e bërë nga Zyrtari Përgjegjës i Prokurimit, sipas nenit 97, paragrafit 1, pikës d, të Rregullorës 001/2023 për Prokurim Publik, e cila thotë “Mos respektimi apo shkelja e parimeve themelore të prokurimit publik të përcaktuar me LPP. Shkeljet e parimeve themelore përfshijnë, vendosjen e kriterëve apo dëshmime jo në përputhje me LPP apo përshtatjen për një ofertues të caktuar, trajtim jo të barabart të ofertuesve gjatë ushtrimit të procedurave të prokurimit, përveç specifikimit teknik që bie në përgjegjësinë e Njësisë së kërkesës”.

Pra, vendosja e kriterit për kapacitetin teknik – përcaktimi i peshës minimale bartës për tre kamionet si në dosjen e tenderit dhe eliminimi nga konkurrenca i OE që kanë ofertuar me kamion me peshë bartëse më të lartë, duke e dëmtuar buxhetin e AK K.K Rahovec me 13,612 euro dhe duke ja dhënë kontratën OE N.P.T “HARIS” ofertuesit më të shtrenjtë, përbënë bazë të mjaftueshme për shkeljen e parimit të trajtimit të barabartë/diskriminimit, konkurrencës dhe efikasitetit dhe ekonomikitetit. Kjo për faktin, së cfarë rëndësie ka pesha e kamionit në

furnizimin me pelet, kur dihet se me rëndësi është liverimi i peletit, ndërsa dëmet materiale nga ky kriter i panevojshëm i shkaktojnë buxhetit të Komunës së Rahovecit shpenzime shtesë prej 13,612 euro më tepër.

Në përcaktimin e këtijë kriteri për kapacitetet teknike AK ka shkelur dispozitat e LPP-së që kërkojnë nga AK që gjatë përcaktimit të kërkesave minimale për kualifikim, t’i kushtohet rëndësi të veçantë zhvillimit të OE dhe të formulohen kërkesat minimale të kualifikimit në mënyrë që nuk përjashtojn OE të themeluar rishtazi të cilët posedojnë aftësi të arsyeshme dhe të mjaftueshme ekonomike, financiare dhe/ose teknike. “Të arsyeshme dhe të mjaftueshme” do të nënkuptojn në lidhje me vlerën e parashikuar të kontratës, dhe përdorim të drejtë të fondeve publike.

Se kriteri i kapacitetin teknik – pesha minimale bartës e kamioneve është përshtatur për një OE e dëshmon fakti se edhe vitin e kaluar kontrata i është dhënë OE N.P.T “HARIS” dhe këtë vit është vazhduar furnizimi nga i njëjti OE edhe pse cmimet e peletit kanë pësuar rënie krahasuar me vitin paraprak. OE N.P.T “HARIS” është OE i themeluar apo me seli në Komunën e Rahovecit, **prandaj ne kërkojmë nga OSHP-ja që të ndërmarr të gjitha veprimet ligjore për ta mbrojtur zbatimin e LPP dhe parimeve themelore të prokurimit më qëllim të shfrytëzimit ekonomik, efikas dhe efektiv të parasë publike.**

Po ashtu, arsyetimi i dhënë për eliminimin e OE N.T.SH. “BERVENIKU” bie ndesh me nenin 56 Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave të LPP, i cili thotë “një OE do të konsiderohet i kualifikuar për pjesëmarrje në aktivitet të prokurimit nëse OE i përmbush kërkesat minimale për kualifikim të përcaktuara nga AK në dosjen e tenderit dhe e dëshmon atë duke ofruar dëshmi të kërkuara nga autoriteti kontraktues në përputhshmëri me nenet 64 deri në 69 të LPP-së”.

Përveç së më sipër, gjatë vlerësimit të ofertave për aktivitetin e prokurimit “Furnizim me pelet per nevojat e Komunes se Rahovecit per vitin 2023/2024” janë bërë edhe shkeljet në vijim:

Është shkelur **neni 1 Qëllimi i** LPP-së i cili përcakton qartë që “Autoriteti kontraktues do t’i trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente”. Gjithashtu qëllimi i nenit 1 të LPP-së është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Është shkelur **neni 7 Barazia në Trajtim/ Jo-Diskriminimi**, i LPP-së – sepse komisioni i vlerësimit dhe Zyrtari Përgjegjës i Prokurimit nuk i kanë trajtuar njëtrajtshëm OE pjesëmarrës në aktivitetin e prokurimit “Furnizim me pelet per nevojat e Komunes se Rahovecit per vitin 2023/2024”. Pra OE N.T.SH. “BERVENIKU” është diskriminuar duke mos e shpallur fitues edhe pse i ka plotësuar të gjitha kërkesat e FTD-së dhe të njoftimit për kontratë.

Është shkelur **neni 6 Ekonomiciteti dhe Efikasiteti** – në bazë të të cilit AK duhet të dëshmojë se procesi i prokurimit siguron vlerën për paratë për Autoritetin Kontraktues, ndërsa kontrata

i është dhënë OE që është me cmim më të lartë nga të gjithë operatorët ekonomik pjesëmarrës, ndërsa krahasuar me OE N.T.SH. “BERVENIKU” është më i shtrenjtë 13,612 euro.

Është shkelur **neni 56 Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave**, sipas të cilit të gjitha kontratat publike do të jepen përmes vlerësimit të tenderëve dhe kandidatëve sipas kërkesave minimale të kualifikimit të specifikuar në njoftimin e kontratës dhe në dosjen e tenderit, specifikimeve teknike të kërkuara dhe në përputhshmëri me kriteret për dhënien e kontratës.

Është shkelur **neni 59 Ekzaminimi, Vlerësimi dhe Krahasimi i Tenderëve** sepse ekzaminimi, vlerësimi dhe krahasimi i tenderëve nuk është bërë në bazë të kriterëve të përcaktuara në dosje dhe dëshmi të ofruara nga OE N.T.SH. “BERVENIKU” por është eliminuar pa arsye dhe kështu është kufizuar konkurrenca dhe është favorizuar OE i preferuar.

Është shkelur **neni 60 kriteret për dhënien e kontratës** sepse edhe pse në dosjen e tenderit është përcaktuar kriter për dhënien e kontratës tenderi i përgjegjshëm me cmim më të ulët, ndërsa kontrata i është dhënë OE N.P.T “HARIS” i cili ka cmimin më të lartë.

Po ashtu paragrafi 6 i nenit 7 të LPP-së e parasheh që “Gjatë udhëheqjes së aktiviteteve të prokurimit, të gjitha autoritetet kontraktuese do të sigurojnë; që (vi) që tenderi i zgjedhur të përputhet me të gjitha aspektet përmbajtësore të kushteve, kriterëve dhe specifikimeve përkatëse”, kurse OE N.P.T “HARIS” i rekomanduar për kontratë është me cmim më të lartë nga të gjithë ofertuesit.

Gjatë zhvillimit të kësaj procedure nuk është marr në konsideratë edhe neni 1 i LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Duke u bazuar në dëshmitë që u cekën më lartë, kërkojmë nga OSHP që të trajtojë pretendimet ankimore bazuar në LPP dhe legjislacionin sekondar dhe që të nxjerr:

VENDIM

APROVOHET, si e bazuar kërkesa për rishqyrtim OE **N.T.SH. “BERVENIKU”**

ANULOHET njoftimi mbi vendimin e AK-së (B58) dhe lënda të kthehet në **RIVLERËSIM dhe rivlerësimi i** ofertave të bëhet sipas dispozitave ligjore të LPP-së dhe konform kërkesave të dosjes së tenderit dhe të njoftimit për kontratë përndryshe ne do të detyrohemi të vazhdojmë me ankesa dhe kundërshtime për këto shkelje në instancat tjera më të larta.

Pretendimet ankimore të parashtruara në ankesën e deponuar në OSHP, janë të njëjta.

KRITERET PËR VLERËSIM

Kërkesat mbi gjendjen ekonomike dhe financiare	8.1 & 8.2	Kërkesa 1: Operatori Ekonomik duhet të ofrojë dëshmi të kënaqshme Autoritetit Kontraktues se qarkullimi vjetor i Operatorit Ekonomik, gjatë tre viteve të fundit, në vlerë jo më pak se: 249,000.00 Euro	Dëshmia 1: Deklaratat Tatimore vjetore të dorëzuara në ATK ose Raport nga Banka e vulosur dhe e nënshkruar origjinale nga ndonjë banke e licencuar ne Kosovë
Kërkesat mbi mundësitë teknike dhe/ose profesionale	9.1 & 9.2	Kërkesa 1: Numri i punëtorëve të angazhuar në këtë projekt, min. 5 punëtor me të dhënat në vijim Emri, mbiemrin, mosha e punëtorit, profesioni, eksperiencia (vite) dhe pozicioni në kompani.	Dëshmia 1: Lista e numrit të punëtorëve të angazhohen për kryerjen e furnizimeve, min. 5 punëtor me të dhënat në vijim: Emri, mbiemrin, mosha e punëtorit, profesioni, eksperiencia (vite), pozicioni në kompani dhe nënshkrimi i punëtorëve ne atë liste – duhet të dorëzohet në origjinal, i nënshkruar dhe i vulosur nga Operatori Ekonomik.
		Kërkesa 2: Operatori Ekonomik duhet të ofrojë dëshmi se ka përfunduar me sukses kontrata të natyrës së ngjashme, në tri vitet e fundit nga data e publikimit të Njoftimit për Kontratë, në vlerë min. 186,500.00 €	Dëshmia 2: Lista e furnizimeve të kryera, duke plotësuar ANEKSIN 7 të Dosjes së Tenderit, në lëmin e furnizimeve të ngjashme, të realizuar në tri vitet e fundit, nga data e publikimit të Njoftimit për Kontratë, duhet të dorëzohet në origjinal, i nënshkruar dhe i vulosur nga Operatori Ekonomik, DHE dëshmitë e përfundimit, Referenca/t ose procesverbali/et e pranimit të furnizimeve, Në rast se Operatori Ekonomik prezanton kontrata dhe referenca që janë të kontraktuara me subjekte private kombëtare ose ndërkombëtare, atëherë ato duhet të prezantoj transaksionin bankar, që përputhet me të Njëjtën kontratë – Referencë;
		Kërkesa 3: Operatori Ekonomik duhet të posedojë mjetet, stabilimentet dhe pajisjet teknike që janë të domosdoshme për realizimin e kontratës, pajisjet dhe mekanizimi i obligueshëm sipas tabelës në Aneksin 8 të Dosjes së Tenderit	Dëshmia 3: Pajisjet të cilat regjistrohen duhet të dëshmojnë me librezën e regjistrimit (pajisjet duhet të jenë me afat të regjistrimit), ndërsa pajisje tjera Operatori Ekonomik duhet të dëshmojë me një dokument për pronësinë e pajisjeve (faturë, DUD etj.). Vëmendje! Ne rast se OE nuk posedon pajisjet mbi pronësinë duhet të ofrojë marrëveshjen për marrjen me qira të pajisjeve. Marrëveshja duhet të jetë në emër të këtij projekti me validitet të kohëzgjatjes të kësaj kontrate e nënshkruar dhe vulosur nga të dyja palët. Marrëveshja duhet të jetë e noterizuar në mes të qiradhënësit dhe qiramarrësit.
		Kërkesa 4: Operatolet ekonomik bashkë me ofertë duhen të dorëzojnë mostrat për Një (1) thasë	Dëshmia 4: Mostrat e kërkuara tek specifikat teknike të mbyllura në një paketim dalluese të Operatorit Ekonomik

Raporti i ekspertit shqyrtues, lidhur me ankesën e parashtruar nga OE “Avni Murtezi B.I.”, lidhur me aktivitetin e prokurimit “FURNIZIM ME PELET PËR NEVOJAT E KOMUNËS SË RAHOVECIT PËR VITIN 2023 2024” me numër të prokurimit: “623-23-13234-1-2-1, të iniciuar nga Autoriteti Kontraktues (AK) – KUVENDI KOMUNAL - RAHOVECI

		pelet me peshë ≤30 kg		
	Lloji i mekanizimit dhe pajisjeve	Sasia e kërkuar (copë)	Sasia që ofron ofertuesit (copë)	Të dhënat për pajisjet(viti i prodhimit, gjendja e pajisjes, kamiona regj. i targave, mekanizimi, dëshmitë mbi pronësinë ose kontratë për huazim, foto etj)
1	Kamion kiper, me peshë bartëse deri 5m3	1		
2	Kamion, me peshë bartëse deri 3m3	1		
3	Kamion me vinç, me peshë bartëse deri 8m3	1		

RAPORTI I KOMISIONI VLERËSUES

<p>DEKLARATË</p> <p>Komisioni Vlerësues pas vlerësimit të tenderëve konstaton se Operatori Ekonomik: N.P.T., „Haris” me adresë Rahovec, i plotëson kushtet cekura në Dosjen e Tenderit dhe është Tenderuesi i përgjegjshëm me çmim më të ulët. Komisioni në përbërje të plotë rekomandon që të besohet kësaj kompanie.</p>

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

--



burim zekaj <burim.zekaj@gmail.com>

Re: Kerkese

1 message

burim zekaj <burim.zekaj@gmail.com>

Wed, Jan 24, 2024 at 1:42 PM

To: Prokurimi Rahovec <prokurimi.rahovec@gmail.com>

Te Nderuar

Dokumentet qe ju i keni bashkangjitur jane edhe ne eprokurim. Ne dosje te tenderit ju keni kerkuar qe mjete

1.	Kamion kiper, me peshë bartëse deri 5m3	1		
2.	Kamion, me peshë bartëse deri 3m3	1		
3.	Kamion me vinç, me peshë bartëse deri 8m3	1		

Pyetja ime eshte: Si eshte vleresuar nje OE nese sipas jush ne asnje libeze te qarkullimit nuk ka te dhena as ne m3 as ne kg. Si e ka vleresuar komisioni se nje Operator eshte ne perputhje me kerkesen tuaj si me larte.

Me nderime

On Wed, Jan 24, 2024 at 1:27 PM Prokurimi Rahovec <prokurimi.rahovec@gmail.com> wrote:

I nderuar,

Ne baze te Kërkesës tuaj, me datë: 23/01/2024, në Ora: 15:13 h, ku keni kërkuar, duke cekur: *Qe te bëjë një shqyrtim të drejtë të pretendimeve të lutem me ofron procesverbalin e vlerësimit të komisionit për mënyrën dhe formën e vlerësimit të këtij kriteri.*

Ne si AK: Komuna e Rahovecit, në **Attachment** po ju bashkëngjisim, Raportin e Vlerësimit te tenderëve, dhe Certifikatat e Regjistrimit te Automjeteve për Operatorin Ekonomik te Rekomanduar për Kontratë, ku ne baze te dëshmimeve te ofruara nga Operatori Ekonomik, tek Libreza e Regjistrimit ceket:

F1 - Pesha maksimale e ngarkesës së lejuar, ku nga kjo mund te vërehet se ne asnjë Librezë te Regjistrimit te Automjeteve nuk ceket m3 apo Kg

Vlerësimi, ekzaminimi dhe krahasimi i tenderëve nga Komisioni vlerësues i ofertave është bërë konform LPP-së

Me respekt:

Zyra e Prokurimit Rahovec

On Wed, Jan 24, 2024 at 11:42 AM burim zekaj <burim.zekaj@gmail.com> wrote:

I nderuar

Duke pas parasysh kërkesën për mjete dhe stabilimente e cila është përshkruar përmes aneksit 8 te dosjes se tenderit ju keni kërkuar qe mjetet te kenë kapacitete ne m3. OE pjesëmarrës te aktivitetit te prokurimit dëshmitë te cilat i kane dorëzuar kanë të bëjnë me mjete te cilat peshën bartëse e kane te shprehur ne kg. Njoftimi për vendim e përshkruan arsyen e eliminimit për këtë pikë por qe raporti i vlerësimit te komisionit nuk e cek ne asnjë rast mënyrën

e vlerësimit të këtij kriteri duke pasqyruar se kërkesa e peshës bartëse është bërë në m3 e ofertat janë dorëzuar për peshën bartëse në kg. Që të bëjë një shqyrtim të drejtë të pretendimeve të lutem me ofron procesverbalin e vlerësimit të komisionit për mënyrën dhe formën e vlerësimit të këtij kriteri.

Pergjigjen e kthen permes eprokurimit.

Ju faleminderit për bashkëpunim.

Burim Zekaj
10000 Republic of Kosovo
Tel: +381 38 536 819
Email: burim.zekaj@gmail.com
burim.zekaj@hotmail.com

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

ARSYETIMI PËR DEVIJIM NGA PRAKTIKA E MËPARSHME

PËRGJIGJE NË PRETENDIMET ANKIMORE TË OE ANKUES - Avni Murtezi B.I.

Përgjigje në Pretendimin Nr.1:

Lidhur me pretendimin e OE ankues që ka të bëjë me eliminimin e tij për shkak të mospërmbushjes së Kërkesat mbi mundësitë teknike dhe/ose profesionale 9.1 & 9.2 Kërkesa 3 **Kërkesa 3: Operatori Ekonomik duhet të posedojë mjetet, stabilimentet dhe pajisjet teknike që janë të domosdoshme për realizimin e kontratës, pajisjet dhe mekanizimi i obligueshëm sipas tabelës në Aneksin 8 të Dosjes së Tenderit**

Kamion kiper, me peshë bartëse deri 5m3 1 cope

Kamion, me peshë bartëse deri 3m3 1 cope

Kamion me vinç, me peshë bartëse deri 8m3 1 cope

Ne këtë aktivitet të prokurimit kanë aplikuar shtatë OE. Pesë prej tyre janë eliminuar ku ndër arsytet tjera ka qenë arsyetimin e mospërmbushjes së kriterit si më lartë.

Eksperti shqyrtues gjatë administrimit të provave, dosja e tenderit, ofertat e OE në sistemin e eprokurimit, njoftimin për vendim, kërkesën për rishqyrtim dhe përgjigjen në kërkesën për rishqyrtim,

LLP-ne, RRPP 001/2022, Ligjin L 02-70 për Sigurinë në Komunikacion nuk ka gjetur deshmi se ku është bazuar kriteri i kërkuar për m3 nga AK.

Në raportin e komisionit të vlerësimit eksperti shqyrtues ka vërejtur se komisioni i vlerësimit nuk e ka trajtuar apo përshkruar arsyetimin e detajuar se pse OE të janë eliminuar në bazë të mospërmbushjes së këtij kriteri. Sidoqoftë në njoftimin mbi vendimin e AK-së të datës 28.12.2023 është përshkruar si arsye e eliminimit mospërmbushja e kërkesës dhe tejkalimi i peshës bartëse në m3 sipas Aneksit 8.

Eksperti shqyrtues pas administrimit të provave si më lartë nuk ka mundur të gjëjë në asnjë dokument të dorëzuar nga OE-të apo të përpiluar nga AK në këtë aktivitet të prokurimit se pesha bartëse e dhënë është shprehur në m3 prandaj vlerëson se arsyetimi i eliminimit të OE ankues për mospërmbushjen e peshës bartëse nuk është në përputhje me dosjen e tenderit, aneksin 8, si dhe nenin 40.1, 40.2, 40.6 a), b) dhe 40.7 të RRPP 001/2022.

Me qëllim të shqyrtimit të drejtë të pretendimeve Eksperti shqyrtues i drejtohet AK-se me email me kërkesën që të më ofrohen sqarime për citoj “mënyrën e vlerësimit të këtij kriteri duke pasqyruar se kërkesa e peshës bartëse është bërë në m3 e ofertat janë dorëzuar për peshën bartëse në kg. Që të bëjë një shqyrtim të drejtë të pretendimeve të lutem me ofron procesverbalin e vlerësimit të komisionit për mënyrën dhe formën e vlerësimit të këtij kriteri.”

AK-ja është përgjigjur: “Në si AK: Komuna e Rahovecit, në **Attachment** po ju bashkëngjisim, Raportin e Vlerësimit të tenderëve, dhe Certifikatat e Regjistrimit të Automjeteve për Operatorin Ekonomik të Rekomanduar për Kontratë, ku në bazë të dëshmive të ofruara nga Operatori Ekonomik, tek Librezat e Regjistrimit ceket:”

F1 - Pesha maksimale e ngarkesës së lejuar, ku nga kjo mund të vërehet se në asnjë Librezë të Regjistrimit të Automjeteve nuk ceket m3 apo Kg”

Eksperti shqyrtues prapë i ka dërguar email AK-së me kërkesën:

“Dokumentet që ju i keni bashkëngjitur janë edhe në eprokurim. Në dosje të tenderit ju keni kërkuar që mjetet

Kamion kiper, me peshë bartëse deri 5m3 1 cope

Kamion, me peshë bartëse deri 3m3 1 cope

Kamion me vinç, me peshë bartëse deri 8m3 1 cope

“Pyetja ime është: Si është vlerësuar një OE nëse sipas jush në asnjë librezë të qarkullimit nuk ka të dhëna as në m3 as në kg. Si e ka vlerësuar komisioni se një Operator është në përputhje me kërkesën tuaj si më lartë”.

AK-ja nuk është përgjigjur në kërkesën e dërguar nga eksperti shqyrtues.

Eksperti shqyrtues nga hulumtimet e bëra ka konstatuar se matja e peshës në m3 bëhet varësisht se çfarë produkti bartet duke llogaritur edhe peshën specifike të produktit në mënyrë që të përlllogaritet

edhe hapësira ne m3 që mund të bartë e cila dallon nga lloji i produktit dhe pesha specifike. Për më tepër AK-ja ka dështuar të sqarojë se në çfarë mënyre ka bërë zbërthimin e kg në m3 në mënyrë që të arsyetojë vendimin. Gjatë kërkesës per sqarim AK deklaroi se në asnjë librezë të dorëzuar nga operatori ekonomik nuk ceket m3 apo kg. Bazuar në përgjigjen e AK-së të gjitha librezat e dorëzuara nga OE -të e kanë përshkrimin e njëjtë prandaj asnjë dokument i dorëzuar nga OE-të nuk e përmbush kërkesën e AK-së.

Prandaj duke pas parasysh edhe komunikimin eksperti shqyrtues vlerëson se AK-ja ka dështuar që të bëjë vlerësimin në bazë të nenit 59 të LPP-se dhe ti trajtojë të gjithë OE-të sipas nenit 7 të LPP-së.

Si përfundim eksperti shqyrtues vlerëson se pretendimi i OE ankues **është pjesërisht i bazuar.**

Sqarim për PSH: Duke pas parasysh ekspertizën dhe të gjeturat eksperti shqyrtues vlerëson se kthimi i aktivitetit të prokurimit në rivlerësim në këtë fazë duke pas parasysh kërkesën e Aneksit 8 dhe përgjigjen e AK-së është në kundërshtim me nenin 1, 59 dhe 7 të LPP-së.

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të **aprovohet si pjesërisht e bazuar**, ndërsa rekomandon që aktiviteti i prokurimit të anulohet në tërësi.

Raporti i ekspertizës ti dorëzohet:

- Autoritetit Kontraktues – **KUVENDI KOMUNAL - RAHOVECË**
- Panelit Shqyrtues – **OSHP**
- OE ankues – **Avni Murtezi B.I.**

Burim Zeka

